

TRUK DISTRICT CONGRESS

EU NOPUNGUN EWE AWONUWEN CONGRESS, 1962

PUBLIC LAW NO. 6-10

EU ANNUK A FORI TAMEN AN EWE SEKETERI ANGANG PWAN ANNUKUN WISEN NON EWE TRUK DISTRICT CONGRESS

Tetten 1. Pokiten minne a apasa non Pekin Annuk IV, Tetten 2 me 3 non ewe Truk District Congress Charter, ewe Soumakken Congress e pwe kefinita are finita seni ewe Mwichen Congress an e pwe angang non ukukun ruanu (4) ier. Kefinitan e pwe aureur pwan kapunguno me ren ewe Kepina. An angang e pwe poputa seni ewe ranin a kapunguno me ren Kepina pwe e pwe nom non ewe wis.

Tetten 2. An Angang: Ewe Soumakken Congress e pwe tumunu pwe e pwe pung taropwen porausen Mwichen Congress me ekkewe kukkun mwich, fori nenien isois taropwe, report, nomopungun Congress, pwan metakan. E pwe akamonnata nopungun Congress, tungor, pwan repot; fori pwan ineti fetanei porausen mwich ngeni congressmen meinisin, samon pwan ekkewe offesin fomu; apachata non nenien mwichen aramas ekkewe annuk are taropwen esinei ngeni aramas; atou poraus me amosowen mwich ngeni chon mwich Congress me chon ekkewe kukkun mwich; angang fan nenenien ewe Kepina me ewe President non Congress fansoun ar akkunou ngeni mettoch fasengesin Congress. Ewe Seketeri e pwe pwan anisi ewe chon Iseis Moni ren pwan ekkoch angang mei namot, akasinei ngeni ewe Kepina mettoch fasengesin Congress, pwan affou fansoun mei namot.

Tetten 3. Leave me Asoso: Ewe Seketerin Congress e pwe angei 12 ranin an leave non ew ier pwe an ranin asoso, esap pwan pachenong Ammon, Raninfen, me ekkewe Ran-nap non ew ier. Esap tou niwinin an angangeno mwirin kunok nge e pwe angei niwinin non asoson ran fansoun a angang non Ammon, Raninfen are Ran-nap. Napanapen an leave e pwe chok fiti met a mak non ewe Micronesian Title and Pay Plan. Fansoun ewe Seketeri a wes seni wisan we ren och popun e pwe angei niwinin an kewe asoso mei nom.

Tetten 4. Niwinin: Ewe Soumakken Congress e pwe angei \$80.00 ew maram, nge are a angang-eoch mwirin ew ier e pwe keki won \$10.00 ew maram are \$120.00 ew ier; nge niwinin esap nap seni \$200.00 ew maram.

Tetten 5. Fansoun ewe Seketeri a pwan fin-sefan are kefinita ngeni ruannu
(4) ierin an e pwe angang, niwinin e pwe sopwei seni ewe ukukun a muchutiw
me won.

Annetata: /s/ Chiro Albert
Ren iten Andy Dois, Secretary
Truk District Congress

Signed: /s/ Raymond Setik
Raymond Setik, President
Truk District Congress

Kapunguno; 21 December, 1962

Kapunguno: 7th February, 1963

/s/ Robert Halvorsen
Robert Halvorsen
District Administrator, Truk

/s/ Jose A. Benitez
Ren iten M. W. Goding, High
Commissioner Trust Territory
of the Pacific Islands